

## الشاعر الأستاذ محمد بنوت



زهرة ما سقوها عالبسيطة

عليها تأمروا بلاد الأفاعي

بصفقة قرن مشبوهة ولقيطة

براسي في وصف من اختراعي

عذروني ان كانت الكلمة سليطة

الشرق فوق الخريطة دار راعي

مهدي سياج عالي بالشريطة

ان قشط ل سياج بتسيب المراعي

واذا فلسطين باعوها وسكتوا

بيهرّ الشرق من كعب الخريطة

\*\*\*\*\*

بغزة الدنيا غير والتلوين

والدين حتى وبس تترضى

ع زوج عم بلملم شرايين

من ايد مرتول اسمها فضة

ع شفاف مش من برد مزرقين

انرضوا بحديدة وماكنة الرضة

الحزن بيحي معهن من التكوين

يقضي قدر ما صاحبو قضي

نسيوا المي وبعدهن حلوين

ما القهر مية وجهن فضى

حكم الطهارة مش الن بالدين

هودي ل عم يصلوا ع بركة دم

بدمن الطاهر فيك تتوضى